

Paris, 2 Oct 1927.

Caro Professore,

Me es nunc in Paris ubi me redi post longo itinere in Anglia et Scotia et post habe retransito La Manche, isto vice multo agitato.

Me recipe ex Foix, Ariège, Francia doloroso notitia de morte de meo amico Paul Sicre, socio de Academia. Ut me jam scribe ad vos illo habe raro intelligentia et eruditione, habe notiones profundo de plure lingua europaeo et orientale (sinense, arabico et hebraeico) et de mathematica. Es autore de grammatica de dialecto fuxeense (de Foix). In ultimo tempore (sub meo influentia) habe magno interesse pro Interlingua

in L.s.Fl. /  
de Academia et scribe articulos ~~super~~ in nostro  
organo. Illo habe bibliotheca linguistico impere  
tante. Illo mori in aetate de circa 70 anno, post  
morbo. Habe caractere dulce, affabile et ama studi  
Me preca, si possibile, que vos annuntia suo morte  
in API.

Me non pote vide Miss Pankhurst in London.

~~Ex~~ In Paris me recipe epistula de G.A. Moore ubi  
illo dic:

" Dear Dr.K., I much regret I was unable to  
arrange a meeting with Miss Pankhurst and to see  
you again before you left England...It was a  
great pleasure for me to make your acquaintance  
and to discuss interlanguage affairs with you."

Domino Moore dic ad me in conversatione  
que Miss P. es fautore absoluto de L.s.fl. et  
da ad me suo libro Delphos, the future of Inter-

national language. Sed ipse es haesitante~~nam~~,  
nam anglos puta difficile finale vocalico et  
pro isto non disapproba Occidental.

Etiam Michaux quere se (lamenta se) de formas  
BONO TERRA etc. Suo systemate BONA, BONE, BONI, BONO,  
BONU es plus simplice et plus logico que illo de  
Esperanto.

visita

In Paris me debe ~~revidere~~ plure professore  
de universitate que ~~morata~~, ante uno mense, es in  
rure.

Cum salutatione cordiale

Prof. G. Kolovrat

poste restante, PARIS.